

衛藏通志

七





志通藏衛

(七)

詳未人撰

編主五雲王

編初成集書叢

志 通 藏 衛
冊 七

中華民國二十五年十二月初版

徐

發行人

王 雲 五
上海河南路

印刷所

商 務 印 書 館
上海河南路

發行所

商 務 印 書 館
上海及各埠

七一四三上

陸

衛藏通志卷十五

部落

謹案西南部落自打箭鑪至藏地大抵皆吐番別種散處其間各立其長各子其民不相屬也自我朝底定西藏聲教覃敷蠻荒近者籍隸版圖歲輸賦納遠者莫不俛首巖疆翕然聽命紀其沿革載其方隅以備稽考

唐古忒

舊爲圖伯特國在工布江達之西又稱爲康衛藏康即今之察木多衛即今之前藏藏即今之後藏也番民呼爲拉撒者乃部民所居之名自唐以來世有達賴喇嘛宗持黃教爲各蒙古康巴藏衛等處所尊奉蒙聖朝頒給達賴喇嘛冊寶拉藏罕方印一顆其印文有曰翊法恭順罕之印清字蒙古字漢字三樣篆文管理圖伯特事務後被準噶爾策旺阿拉布坦遣車凌敦多布帶領人衆滅壤達賴喇嘛佔藏地將拉藏罕之印奪與附逆之達則第巴掌理亦呼爲罕後達賴喇嘛降生裏塘於康熙五十九年在布達拉坐牀重興法教衛藏人民咸登衽席掄附逆之達則第巴等正法雍正二年欽頒達賴喇嘛金冊金寶其印文曰西天自在佛總理天下釋教普通日赤拉坦喇達賴喇嘛之印清字蒙古字漢字唐古忒字四樣篆文其地在成都西南六千四百七十五里東至巴塘之甯靜喜松工二山西至阿哩交拉丹界三千二百里西南至巴勒布爲界南至布魯克巴爲界北至木魯烏蘇噶爾藏骨察交青海界唐古忒所居小寨落不可勝紀今將各營官管轄地方詳載

江卡、與巴塘土司交界 堆噶爾本、與納達交界 哈拉烏蘇、與三十九族交界 錯拉、與布魯克巴交界 帕克哩、與布魯克巴交界 定結、與哲孟雄交界 聶拉

木、與廓爾喀交界 濟龍、與廓爾喀交界 官覺、與三暗巴交界 補仁、與作木朗所屬奔阿地方交界 博窩、與波密交界 工布碩卡、與波密交界 絨轄爾、與廓爾喀交界 達壩

喀爾、與作木朗交界

洛隆宗、角木宗、打孜、桑薩、巴浪、仁本、仁孜、朗嶺、宗喀、薩喀、作岡、達爾宗、

江達、古浪、沃卡、冷竹宗、曲水、奪宗、雜仁、茹拖、鎖莊、子奪、結登、直谷、碩

板多、拉哩、朗、沃隆、墨竹工、卡爾孜、文札卡、轄魯、策堆得、達爾瑪、聶母、浪

噶孜、嶺、納布、嶺喀爾、朗錯、羊八井、麻爾江、金東、拉載、撒拉、浪蕩、頗章、

札溪、色、堆冲、汪墊、甲錯、拉康、瓊科爾結、蔡里、曲隆、扎稱、折布嶺、札什、

洛美、嘉爾布、朗茹、哩烏、降、業黨、工布塘、

達木蒙古

達木一名玉樹。納哈暑番青海蒙古王丹津於五輩達賴喇嘛時帶領蒙古官兵赴蒙護衛留駐五百三十八戶。在達木地方住牧。乾隆十六年二月四川總督公策楞戶部侍郎兆惠駐藏大臣都統班第侍郎那木札爾等具奏達木蒙古從前係珠爾墨特那木

札勒管轄。自乾隆十五年。珠爾墨特那木札勒謀逆之後。欽奉上諭。統歸駐藏大臣管轄。易於料理。隨與達賴喇嘛、公班第達等商酌。俱各情願遵行。惟無依之老弱數十名。戶口。若一旦令其歸回達木。恐失養贍等語。復親詢各蒙古等。亦俱情願歸回達木住牧。以聽調遣。臣等現在飭令公班第達將老弱無依之人。查明造冊。准其駐藏留養。並按八箇佐領。每佐領下。揀派兵十名。共八十名。輸流來藏。聽候欽差大臣差遣。仍照舊支食達賴喇嘛倉內口糧。餘俱令其歸回達木聽調。至現有之頭目名號。或稱宰桑。或稱台吉。俱係頗羅鼐父子濫爲賞給。實屬僭越不合。臣等現在查照內地之例。議定每一佐領。將現在之頭目。給以固山達名色。其下每佐領下。再選派二人。各放佐領一員。驍騎校一員。照例一體賞給頂戴。惟是若輩惟利是圖。又經珠爾墨特那木札勒任意賞賚。今若不定以賞罰章程。不足以維繫其心。並酌定每年一次。查考勤勞恭順者。加以賞賚。不守法度者。分別懲治責革。其所需賞號銀兩。每年於鈔沒叛產內動銀一千兩。聽駐藏大臣分別賞賚等因。奉硃批覽奏俱悉。欽此。三月。奉上諭。據策楞等奏稱。頗羅鼐舊日分食錢糧之林青側。頗拉二處。查係早年拉藏汗所賞。除人地仍舊歸達賴喇嘛管轄外。兩處所交差賦。值銀二千六百餘兩。此係叛產。照例入官。令其案年交納欽差大臣衙門。以備獎賞之用等語。此所辦非是。內地叛案定例。妻子連坐。財產入官。珠爾墨特那木札勒躬爲叛逆。是以降旨將伊之妻子正法。所有財產。雖係例應入官之項。但西藏究非內地可比。且現今達木蒙古養贍。伊等議令於達賴喇嘛賞下動用。何不以此項添入達賴喇嘛賞中動用。至駐藏大臣一切獎賞。自有養廉公項可動。無庸待給于此。再聞班第達家道艱難。今既委辦噶布倫事務。用度未免拮据。並可于此內酌量賞給。資其用度。則不致苛派屬下矣。欽此。

三月。又奉上諭。策楞等所奏珠爾墨特那木札勒叛產林青側。頗拉二處差賦入官一事。雖係照例辦理。但僅止此數。何足置議耶。現今養贍達木蒙古。議令於達賴喇嘛賞下動用。何不以此項添入應用。業經降旨傳諭。可即遵照辦理。至所請將頗拉差賦五百餘兩。賞給班第達之處。已諭令宣布諭旨後。將頗拉一處差賦。賞班第達可也。再駐藏大臣一切獎賞之費。在所必需。其養廉公費銀兩。目今何數。是否足敷用度。若不敷用。據實奏聞。加給欽此。

查此案林清側之租賦歸入達賴喇嘛賞給達木蒙古官兵八十三員名口糧之費。達木住牧之蒙古等赴鹽池採取鹽劬每年交納商上稅鹽一百馱。

三十九族

雍正九年新撫南稱巴彥等處番民七十九族。查其地為吐番地居四川西藏西甯之間。昔為青海蒙古奴隸。自羅卜藏丹津變亂之後漸次招撫。雍正九年西甯總理夷情散秩大臣達鼐奏請川陝派員勘定界址分隸管轄。十年夏西甯派出員外郎武世齊筆帖式齊明侍衛濟爾哈朗遊擊來守華都司周秉元四川派出雅州府知府張植遊擊李文秀西藏派出主事納遜額爾赫圖守備和尙會同勘定。近西甯者歸西甯管轄。近西藏者暫隸西藏。其族內人戶千戶以上設千戶一員百戶以上設百戶一員不及百戶者設百長一員。俱由兵部頒給號紙準其世襲。千百戶之下設散百長數名。由西甯夷情衙門發給委牌。每一百戶貢馬一匹折銀八兩。每年每月攤徵銀八分。歸西甯者交西甯道庫隸西藏者交西藏糧務處。其西甯所管四十族之內惟巴拉喇布一族一司木魯烏蘇濟渡一司會盟遞文之差免其貢賦。雍正十二年頒給唐古忒字律例。係西甯夷情衙門從蒙古例內摘出繙譯者。原議一年會盟一次。三年後間年會盟一次。乾隆二年西甯總理夷情副都統保祝以四十族番民漸知禮法奏改間二年差章京一員守備一員帶綠旗兵二十名蒙古兵五十名前往會盟一次。

西甯管轄四十族住牧地界

阿哩克族。共十一族。屬下番人九百一十九戶。東至多爾宗察漢諾們罕。南至納克溪色特爾布木。西至厄林湯奈。北至阿爾坦達賴呼圖克圖。蒙古爾津族。雍希葉布族。二族。

屬下番人五百一十一戶。東至敦春木格爾則。南至斜烏稱多。西至查庫哈札海甲木磋。北至殿通。玉樹族。屬下番人五百零四戶。東至哈拉果爾地方牙木錯。南至波羅諾爾白利。西至多册地方格爾齊。北至圖爾哈圖。

噶爾布族。蘇魯克族。二族屬下番人一百三十二戶。東至阿拉麻納。屬下番人二百八十八戶。東至麥沖噶隆木。西至恰克班。北至雅木沖。尼雅木錯族。屬下番人二百八十八戶。東至都格東納蒙古爾津。南至

墨索剛郭地方谷咱。西至果哩噶巴。固察族。屬下番人一百七十五戶。東至克拉地方稱多。南至隴拉地方龍布。西至木魯烏蘇河。北至莫索克更固地方牙木錯。稱多族。屬

番人三百七十四戶。東至毛瓦克地方蒙古津。南至准布。洞巴族。屬下番人八十戶。東至尼牙克地方沖科爾。南至喇隆達克達烏。西至京崖地方隆布。北至莫索克雅木錯。木勺地方楚林。西至多梯地方阿拉克碩達烏。北至

拉几木道達烏。多倫尼托克安圖族。阿薩克族。克列玉族。克阿永族。克葉爾濟族。克拉爾濟族。

克典巴族。七族屬下番人共四百零八戶。東至木魯烏蘇河沿。南至達野。地方達烏。西至賽玉綠渡爾玉樹。北至舒克提的尼牙木錯。隆布族。上隆布族。二族屬下番人三百零一戶。東至

受地方蒙古爾津。南至波羅克阿拉克碩。西札武族。上札武族。下札武族。札武班右族。四族屬下番人共六百二十戶。東至卓木楚地方冬巴。南至熊拉地方阿拉克碩。西至白的地方龍布。北至洪腊地方得爾吉。烏。南至力地方蘇爾莽。西至阿拉著地方格爾吉。北至噶

爾吉。北至噶。上隆壩族。下隆壩族。二族屬下番人三百零三戶。東至噶受地方南稱族。南至郭稱噶。布地方玉樹。地方賽爾色。西至巴烏蘇木多地方剛魯。北至薩木格爾吉族。蘇爾莽

族。屬下番人三百五十戶。東至拉尼喇克洞巴。南至玉爾納噶。白利族。屬下番人五十五戶。東至布木地方尼牙木鋪。爾米格魯。西至岳爾尼地方南稱。北至楞達地方阿拉克勺。南至木魯烏蘇河。西至哈拉果爾源玉樹。北

至力拉。哈爾受族。屬下番人三十戶。東至噶泌革泌隆布。南至阿登坡格爾吉族。下格爾吉族。格爾吉

族。三族屬下番人共八百十三戶。東至克多地方阿拉克族。南至陸白地方隆布。西至阿喇坦齊地方玉樹。北至拉克布拉地方南稱。巴彥南稱族。南稱桑巴爾族。南稱隆

冬族。南稱卓達爾族。四族屬下番人二千零二十戶。東至岳爾尼蘇爾莽界。南至客木達察木多界。西至達尼爾蘇魯隆達巴。北至甫卡山梁阿拉克碩。吹冷多拉族。屬下番人三十

戶。東至拉木力界。南至爾星地方。屬下番人五十戶。拉布庫克住牧喇嘛。屬下番人二十四戶。西至多楚地方。北至多格木多地方。巴彥南稱界內住牧喇嘛。屬下番人五十戶。

以上四十族。共八千四百四十三戶。計男婦三萬二千三百九十名口。除巴彥南稱。拉布庫克二喇嘛所屬番人七十四戶。各應差不輸貢馬外。止納賦番民八千三百六十九戶。共徵銀六百六十九兩五錢二分。乾隆三年地震傷亡案內。經總理西甯夷情衙門副都統巴靈阿派員外郎高備。守備班第。勘實傷亡無存六十五戶。奏准永行免賦外。止實在番民八千三百四戶。共徵銀六百六十四兩三錢二分。

西藏管轄三十九族住牧地界

納書克貢巴族、畢魯族、璦盆族、達格魯族、拉克族、色爾札族。六族屬下番人一千零八十一戶 東至沙克伯奔地方交界 南

至池多地方交界 西至瓦奇麻巴爾達麻 北至泌體諾拉克地方 札嘛爾族。屬下番人八十一戶 東至班麻爾拉克 南至勇 阿札克族。屬下番人四十九戶 東

至陽拉納哈 南至出麻達墨哩 西至拉載格哩 北至白普馬爾碑 下阿札克族。屬下番人四十八戶 東至西古爾 南至 夥爾川木桑族。屬下番人四十

二戶 東至昂納 南至塞來松 夥爾札麻蘇他爾族。屬下番人十六戶 東至革達 南 夥爾札麻蘇他爾 只

多 西至撥木達 北至喇貢 夥爾札麻蘇他爾族。屬下番人十六戶 東至革達 南 夥爾札麻蘇他爾 只

多族、瓦拉族。二族屬下番人七十七戶 東至他克酸桂 南 夥爾族。屬下番人一百二十二戶 東至達木本木 南

爾、麻魯族、甯塔、尼札爾、參麻布瑪。四族屬下番人二百一十三戶 東至魯滾 南至勒爾根 西至札麻噶 北至札麻達 尼牙木札族、利松嘛

巴族、勒達克族、多麻巴族、羊巴族。五族屬下番人二百零六戶 東至阿沙克 南 夥爾族。屬下番人六十

瑪爾尼牙克 南至葛祿克剛 住牧依戎地方夥爾族。屬下番人一百三十九戶 東至沙路拉 北至擦嘛塔 北至押馬達 南至姑慶 西至格賴麻 北至桑塔 夥爾族、彭他麻

族、夥爾拉賽族。三族屬下番人五十三戶 東至郭特戎 南至朋索多 西至疊勒拉哈 北至當喇 上剛噶魯族、下剛噶魯族。二族屬下番人一百四十九戶 東至阿

克貢木里。南至巴烏松多。屬下番人四百九十七戶。東至隆巴。

西至格拉。北至沙魯拉。瓊布拉克魯族。南至類烏齊。西至節娃。北至蘇巴隆。噶魯族。屬下番人一千零四戶。東至多洛舒。南至洛魯。

巴喇樹特。西至。色爾札族。屬下番人六百八十七戶。東至吉楚。南。上多爾樹族。下多爾樹族。二族屬下番人一百三十。

高楚。北至噶魯。至巴路。西至珠岡札拉。北至麻拉石。

七戶。東至色龍。南至拉札納克。三札族。屬下番人三十二戶。東至加樹。屬下番人五十戶。東至。

西至布拉爾根。北至布都克絨。南至樸株。西至密堤。北至納樹。三納拉巴族。屬下番人五十戶。東至。

至拉哩。北至。樸族族。屬下番人二十七戶。東至加樹。達隆宗。南至俄喀。西。

加樹邊噶爾。南至樸株。西至密題。北至納樹。

以上三十九族計四千八百八十九戶。男婦一萬七千六百六名口。徵銀三百九十一兩一錢二

分歸西藏糧務貯庫。

纏頭 一名克什米爾

西域回民其部落在廓爾喀西南往來藏中貿易亦有在藏久住安有家室者其人以白布纏頭穿大領氈衣不食豬肉前藏設有大頭人三名後藏大頭人一名管轄。

卡契 亦纏頭之別名

布魯克巴之南乃回民一大部落其地人民織金銀絲綵綢各色花布等物。

布魯克巴

藏西南約行月餘。其罕諾彥林親。乃紅帽之傳。天道頗燠。物產與中國相仿。南行月餘。即天竺國界。考其地。唐時歸順。賜册印。其文曰。唐師國寶之印。六字。外有噶畢一族。原係諾彥林親所分者。日久。其勢漸大。後諾彥林親之呼圖克圖。楚克賴那木札爾。至噶畢地方。噶畢即留不放歸。諾彥林親屬下地。納瓦納二處百姓。時潛赴噶畢朝禮。由是二家成隙。互相仇殺。噶畢力弱。於雍正十年。投奔頗羅鼐。發兵助之。敗諾彥林親于界地。諾彥林親亦遣使於駐藏大臣處歸誠。並請赴京進貢。彼時以兩家正當仇殺之際。留使在藏。備敘投誠進貢。並兩造仇殺緣由具奏。次年。差官前往二家排解。不就。復於冬十月。差陝西督標前營遊擊和尙。同頗羅鼐所差噶布倫鍾仔。以及外委人員。前赴適中之汪則城。解勸和合。取永和印契。帶二家貢使。於甲寅年正月旋藏。差員伴送進京。蒙世宗憲皇帝賞賜勅印。遣員護送。於雍正十三年夏五月到藏。噶畢東嚕卜喇嘛卒。於是地土人民。仍歸諾彥林親管轄。其不順附之番民一百餘戶。奏明給與牛種。安插商約之汪則地方。乾隆元年春。諾彥林親齊類拉卜濟親身赴藏朝拜達賴喇嘛。於是年秋八月五日始回。附譯出奏書云。

天下舍生共戴滿洲西土大主明鑿。微末布魯克巴喇嘛札爾薩立布魯克谷濟。諸彥林親齊類拉卜濟等。焚香望闕合掌叩頭。謹奏爲恭請聖安。仰乞天恩事。西陲愚衆不知善惡。妄行仇殺。西藏貝勒致書宣諭大主天恩。仁化我等。不勝欣戴。遣使至大人貝勒處。乞准歸命。復蒙大皇帝賜以生平未睹之異數。天恩遠賁。黃金滿世界矣。如天之天恩。實萬世不能圖報。惟有感激。恭謝天恩。但布魯克巴人愚如獸。不知法教。因與噶畢屢次構禍。蒙駐藏大人轉奏。特遣官員。噶布倫等爲我等和解。又蒙西藏貝勒親至。則汪宣諭大主天恩。仁化分晰利害。每處安一第巴。照看辦事。諄諄致書教諭。我等俱各感激。欣然和好。自今以後。惟有感激。皇恩。永遠安樂。敬求者。布魯克巴人等多有不知法度者。求大主賞以勅印。以便管轄。且愚人上畏天威。各守法度。不致生事。世世子孫。永得

安生者皆大皇帝再造之恩於大皇帝別無所思伏乞憐憫時降教訓鑒之爲此特差格隆巴爾沖恭請聖安伏乞天恩並獻土產各色卡契帶五條卡契緞一疋珊瑚一串一百零八箇蜜蠟一串三十六箇五色花布四疋布魯克巴布二十疋卡契小刀一把銀碗一箇

月之吉日奏

天下合生共戴滿洲西土大皇帝明鑒微末布魯克巴噶畢東魯卜喇嘛焚香望闕合掌叩拜謹奏爲恭請聖安仰祈天恩事東魯卜喇嘛上合天心恭順歸命仰賴大主恩威安生樂業恭請聖旨之時蒙賜以有生未見異數大恩噶畢東魯卜不勝欣感曾經恭謝天恩實不但今生雖萬萬世不能仰報惟有三寶佛前虔誠諷經祝滿洲西土大主萬萬年耳但布魯克巴人等生性愚昧如畜屢年生隙仇殺駐藏大人奏明大主普愛生靈差官噶布等爲我等和解貝勒又親至則汪宣諭天威仁化分晰利害教訓和好各處差第巴一名照看辦事復致書教訓如幼兒得母欣感無既今復和好惟感大主庇佑天恩永爲安樂而已拜求者滿洲西土大皇帝憐憫愚生賜以敕印得賴恩威便於管轄所賜五城人民彼亦知敬畏各守法度以安其生此滿洲西土大主憐憫再造之恩也鑒之鑒之爲此特差商納克諾爾布恭請聖安仰祈天恩並獻土物奏書哈達一箇珊瑚八箇小珊瑚七十箇金絲織成花緞一匹花布三匹象牙一根卡契帶五條白卡契布三十四匹蜜蠟一串一百一十五箇月之吉日奏查布魯克巴卽紅教喇嘛地其掌教札爾薩立布魯克谷濟呼畢勒罕與額爾德尼第巴諾彥林親齊類拉卜濟俱住布魯克巴蚌湯德慶城內管轄百姓約四萬餘戶大小城五十處寺廟一百二十座共喇嘛二萬五千餘衆其城界趾東至綽囉烏魯克圖部落地方計程八日其綽囉烏魯克圖卽獐獮野人國正南至瓦納特克地方爲界計程十日正西至于巴嶺木鍾爲界計程十日正北至西藏所屬之帕克哩城爲界

巴勒布

藏之西南計程兩月。有巴勒布部落。俗名別蚌子。其地時氣和暖。產稻穀。孔雀。其民分爲三部。一曰布顏罕。一曰葉楞罕。一曰庫庫木罕。於雍正十年間。遣使來藏。經駐藏大臣具奏。蒙聖恩允准。內附賞頒勅封三道。賜蟒緞。玻璃。瓷器等物。次年八月。派員齎送至藏。轉頒。十二年正月。布顏罕等遣使來藏。請赴京進貢謝恩。又經具奏。奉旨准其來京。沿途供應。四月二十日。至藏起程。共三部。奏章貢物。譯出漢文附載。

布顏罕奏書曰。大主明鑒。微末布顏罕雜職麻爾合掌謹奏。大主聖體沖和。微末布顏罕不勝慶幸。蒙大主仁恩。賞給敕書。緞匹。玻璃。及瓷器等項。瞻仰聖明。曷勝欣慶。向聞大主仁化。即欲遣使請安。拉藏不爲轉奏。計無所出。今蒙貝勒奏請。得沾大主天恩。又得遣使奏事。伏願恩旨時頒。邊鄙小罕。普沾天惠矣。鑒之鑒之。奏書微儀。哈達一箇。珊瑚樹一株。珊瑚一串五十五箇。小珊瑚一串一百零八箇。琥珀一串四十一箇。金絲織成卡契帶三條。金絲織成卡契小帶五條。各色卡契緞三四。白卡契布四匹。犀角一箇。孔雀尾扇一柄。孔雀尾一束。黑香一包。各色藥一包。癸丑年十二月二十八日奏。

庫庫木罕奏書。大主明鑒。微末庫庫木罕合掌謹奏。大主聖體安和。不勝慶幸。庫庫木罕以實心感戴。大主仁恩。蒙賜勅書。緞匹。玻璃。瓷器等物。向聞大主天恩。仁惠。至於天恩。溫旨如此。沛降。實出望外。今貝勒轉奏。蒙賜勅書。無涯天恩。愛我生靈。如同父母。曷勝欣慶。特差巴瓦尼桑格爾。恭謝天恩。伏思庫庫木罕邊鄙小罕。惟願大主仁恩。以安其生。仰乞溫旨。不時下降。奏書微儀。哈達一箇。大珊瑚二箇。珊瑚六箇。小珊瑚一串一百零八箇。金絲織成各色卡契帶十條。金絲織成卡契緞一匹。銀絲織成卡契緞一匹。孔雀尾管子梳一箇。各色卡契布二十一匹。白卡契布五十九匹。各色藥六包。厄納特克巴勒布等處圖一張。癸丑年十二月十七日奏。

葉楞罕奏書曰。大主明鑒。微末葉楞罕合掌謹奏。大主聖體安和。不勝幸甚。向因額勒特罕不將大主天威。仁化。曉諭我等。今幸貝勒宣傳。我等方知虔誠恭順。遂賞賜勅書。緞匹。玻璃。瓷器等項。如我親瞻天顏。不勝欣幸之至。邊鄙小罕。惟乞大主憐愛。鑒之鑒之。

奏書徽儀哈達一箇、大小金錢兩箇、林親中內佛一尊、珊瑚一串一百一十八箇、小珊瑚一串一百三十六箇、香盒一箇、孔雀尾管子梳一箇、孔雀尾扇一柄、金絲織成卡契緞一匹、銀絲織成卡契緞一匹、各色藥一包、巴勒布帶一條、白卡契布三四、各色卡契布十四、卡契緞三四、巴勒花布四四、星滾一包、黑香一包、阿魯拉三包、癸丑年十一月二十九日奏。查巴勒布三罕、一曰布彥罕、住末作城、一曰葉楞罕、住莽哈巴城、一曰庫庫木罕、住吉拉魚卜城、三人共管百姓五萬四千餘戶、其地界址、正東自噶爾達地方至巴打爾罕、計程十日、正南至尼訥特克國、計程七日、正西至廓爾喀地方、計程六日、正北至西藏所管之濟噶城、今巴勒布地方爲廓爾喀所并、其人民在藏貿易者悉稱爲別蚌子、其常用在藏居住者派有頭人管轄。

廓爾喀

後藏之西南、其地名陽布、乃所并巴勒布舊地也、天氣和暖、產稻米花果諸物、其王名拉特納巴都爾、自乾隆五十七年、震懾天威、投誠恭順、定期五年、遣使朝貢一次、（詳紀略門）

哲孟雄

前藏邊外西南、一小部落、其地爲廓爾喀所并、今尙有藏曲大河北岸以東、寨落三處。

作木朗

後藏邊外西北、一小部落、在哲孟雄之北、爲廓爾喀所并、以熱索爲界。

洛敏湯

作木朗之北一小部落
其地爲廓爾喀所并

庫呢

在藏屬阿哩地方之西界其地與甲噶爾、廓爾喀部落
交界其部長名熱咱烏爾生嘉慶至丙辰遣人來藏

白木戎

舊志載由前藏至後藏賽爾地方緊走十日係白木戎交界由賽爾向西南緊走十八日到宗里口子有一崖高約十五丈以木搭梯往來行走馬不能通此外再無別徑由宗里緊走八日到白木戎住地其白木戎王子所住房屋名曰勞丁宰俱在山上其先之王名父多郎結止生一子名局密郎結今已承襲其屬下有管事大頭人八名住地方大頭人五名小頭人十五名所屬百姓繁雜一種名喚蒙身穿布衣不遵佛教不行善事一種名喚總依生子幼時即以五色塗面成花面一種名喚納昂無論男女俱不穿衣服下以白布纏之臥時以木爲枕一種名喚仍撒男子只穿中衣長短齊膝婦女下身亦用布遮穿一中衣不穿上衣惟白木戎本地人民穿布服凡男婦皆披藏綢編單行坐必佩腰刀其地利暖產米青稞豌豆麥子黃豆扁豆刀豆四季豆小米高粱菽麥芝麻玉麥甘蔗葡萄桃子石榴柑子栗子水牛黃牛羊大羴羴羊大耳豬騾馬野豬崖羊虎豹等物又產一種野象野獸其野獸羊身獨角乃獬廌地有大寺二座一名白馬楊青一名札什頂有小寺十八座其王局密郎結所管之地內有納噶爾漢雜納餘隆巴拉不立額郎絀隘巴立巴雜不立七處另設大頭人管束人民其方亦呼爲小西天與布魯克巴連界中隔大江名曰巴隆江由白木戎管轄交西天界再行十日始到小西天布爾雅王子住處從此上船由海中行半月即至大西天矣西藏相傳漢張騫曾至其地唐

以公主下嫁贊普。始通中國。距京師萬三千餘里。人惟好利貪淫。仇殺無已。勢小者。則附之大族。殊有列國之風。其地所集人民。曰吐番。曰纏頭。曰卡契。曰白布。曰西洋。曰至物子。曰達子。曰蒙古。種類多。不能殫述。

第哩巴察

西南一大部落。噶哩噶達。披楞。阿雜拉等皆其所屬。乾隆五十八年二月。大學士公福康安具奏。爲接到披楞來稟。恭摺奏聞事。去年二月間。臣福康安曾檄諭與廓爾喀接壤諸口部落。各令發兵協剿廓爾喀。所有哲孟雄。布魯克巴。宗木等處。多稱天氣炎熱。兵力羸弱。不能進攻。而作木郎久被廓爾喀搶占。遠遁至西哩木噲地方。不能振作。節經奏蒙聖鑒在案。惟披楞道路迢遙。更在廓爾喀之外。達賴喇嘛。班禪額爾德尼特派阿雜拉喇嘛蘇以納格哩一名。唐古忒通事一名。齋臣福康安檄文。並將達賴喇嘛。班禪額爾德尼諭帖前往。幾及一載。尙無信息。昨據蘇訥格哩等差伊住喇嘛達齊格哩。自披楞前來。於本年正月十三日到藏。據稱。唐古忒通事於中途病故。蘇訥格哩因病留於披楞調養。不能行走。另差我齋送稟帖前來。臣等詳細詢問。達齊格哩言語甚爲明晰。據稱。蘇納哈哩於上年三月自帕克哩出界。取道布魯克巴等處部落。道路險遠。於六月中始出噶哩噶達。即係披楞部落。爲第哩巴察所屬。該處自稱爲噶哩噶達。其別部落人稱爲披楞。該處番民信奉回教。部長果爾那爾係第哩巴察所放。另是一教。不信佛教。惟阿雜拉喇嘛有名廟一座。距部長官寨不遠。每日令喇嘛一名。在官寨值日。通譯文書。藏內所差蘇納哈哩未到之前。廓爾喀聞知大兵已到前藏。於上年五月間。預行差人赴該部落求救。那時我正在官寨值日。聞得該部長果爾那爾向廓爾喀來人告稱。唐古忒服屬天朝。就是天朝的地方。你們不知分量。與唐古忒鬧事。就是得罪天朝。我這裏的人。常在廣東作買賣。大皇帝待的恩典。很重。我再沒有不幫天朝。轉幫你們廓爾喀的道理。我與唐古忒不是一教。尙且不敢鬧事。何況你們住的巴勒布地方。本有經典。爲什麼倒去滋擾藏地呢。那時廓爾喀頭人回稱。聞得天朝兵來的很多。我廓爾喀抵擋不住。就要滅了。既然不肯幫助。務必替我們轉求大將軍饒恕前罪。准令投降。噶哩噶達部長說。你們既如此懇求。這還使得。我就寫稟帖去。嗣後你們總要安分。常常在天